

覆
瓿
集

酬伯夏 甲戌七月

歸來虎口定驚魂
獨進薄醪聊自寬
寄語故人休惦念
寒氈雖敝今猶存

乙亥除夕 時因控匪觸夏團長得責之怒頗有戒心

送歲迎年百感身
纔驚虎口又龍鱗
蛇杯望去偏追影
鹿夢醒來易亂真
鄭重親朋頻問訊
嬌痴兒女自嬉春
龍泉寒夜光芒在
那怕豺狼反噬人

游九龍潭

平揖將軍山俯瞰九龍潭
將軍騎龍上天去唯見飛流
落翠嵐

九日至東山棲雲寺觀隋桂感賦

香國輪囷亦有材
千年枚榦綴青苔
若能解語應長嘆
道盡開皇遺事來

山中清似月中看
不愛飄香到世間
霜鬢漸凋應笑我

也知歸插滿頭難

次韻伯夏獵罷歸來二首

鍛羽紛紛下白沙
夕陽人影一槍斜
勸君記取樂天句
小鳥枝頭亦有家

試繪流民東北圖
天寒歲暮歌無襦
荷槍待擊旄頭落
休向海天問一鳥

西來匪

殺農民嘆

丙子二月廿三日

商人併農民農民乃流亡此語洵不虛我懷漢智囊仙
民耕地少託命在蔗糖終年灑汗血換取十口糧奸商
慣壟斷漁利胡可量懿壑填難滿得隲蜀又望妙手空
計紙票印盈箱濫發逾百萬吸取民膏肪官家為保
障坐視暗分贓蔗糖集城市紙票散窮鄉持票色然喜
魚鱗數張之誤將催命符認為續命湯忽驚票局倒一
文竟莫償萬家戟指罵誰能挽其吭飢寒交煎迫豈諱

赴火湯蜂擁入城市百夫攘臂狂赴々官兵至森々簇
刀槍示威彈四射擊倒賣魚郎陳屍供踐踏浴血弃道
旁全家聞訊至哭聲上穹蒼慟哭復奚益金錢魔力強
終驅鳥獸散相戒莫聲揚抽刀應斬亂立策重保商芸
々農民多殺百亦何妨

斬匪行 十二月二日

朔風捲地走沙塵大街小街看殺人殺人殺翻覆手

一村八人昔未有身為里正亦通匪執法難徇七旬叟
藉問犯者何處人皆云里居房上林上林僻遠棲鵲鳥
不畜一網俱就擒鵲鳥由來難變音匪惡由來難革心
但恐囁々如魚貫安知其中無冤禽官言我豈暴易暴
此意祇在刑止刑定罪何須待明令宣罪竟錯記姓名
赴々步出劊子手双刀霍々繫長纓押赴刑場走若飛
砍來如草不聞聲觀者如山逐隊走我亦從之尾其後

一陣狂風吹血腥地上模糊亂身首回看身上鶉衣結
陡覺肝腸悲欲裂毋乃彼為窮所迫正本清源胡無策
嗚呼正本清源胡無策

惠安口占（十二月九日）

土豆地瓜处处生裹巾田女衝寒行休嗟曉確無長物
東海魚鹽舊有名

屏障南疆此必爭倚山控海險天成狂風一在吹海立

前綫莫教叱咤驚

聞西安事變

高飛北徼絕陰黔
取々為民為國心
太息前方殲敵急
時綏遠
有戰事瘳生肘腋誤羊斟

永豐往事足追尋
陳炯明之變
避難永豐艦上總理
敵國舟中感不禁

猛憶長卿曾借箸
垂簷猶自惜千金

叩閭靖難義同申
也有包胥歎哭秦

華北人士有組織
哭陳團之義板蕩

中原難竟日贖分如可億其身

喜領袖西安脫險

萬衆騰歡爲一人重光日月倍鮮新
松坡首義耶蘇降併入今宵作吉辰

所親化作豺狼易又使豺狼親我難
一縷國魂何處繫金騰啓視此心丹

馬到懸崖響可勒舟經苦海枕能操
民心團結堅金石

以是中華第一遭

元旦得雨 丁丑

清晨膏雨裊仙城歌舞梨園曲不成

原擬演大棚慶祝

應是天

心惜物力不教好樂輟春耕

四十書懷

到此無聞詎不悲應知三十九年非
傭書十載催人老
投筆大荒尚願遠
齒豁頭童堂下笑
囊空裘敝座中稀

金甌缺处憑誰補起坐中宵賦無衣

重游九鯉湖同游閩侯薛貽丹陳極生詹得善邑

人戴圻諸先生及吳連諸夢生（一月廿四日）

霧收日出豁林泉信美湖山亦有緣廿載重游也（潭似）

七人雅會集榕仙藥爐丹竈空傳統玉筋珠簾漸改懸

堪笑摩崖好事者猶書天子萬斯年

挽黃虞初

詞人身世不勝悲哭母八天後哭兒環誦七哀聲在耳

君曾作哀詞七章
月前誦與余聽

而今翻作執君詩

開門鎮日作詩禪
潑墨揮毫意洒然
料得前身還是鶴
高飛不喫人間煙

詠海棠

苔枝綴玉鮮
陶醉春風前
睡起渾無賴
含羞看落鈿

即景

薄雲不雨化為煙春氣烘人慵欲眠不合看花合看樹

山山黛色門嬋娟

霧中望金石鐘樓

綽約瓊樓仙子居一旂指點到華胥雲深雞犬不知處
娘々鐘聲散碧虛

壽林東周旅長令弟翦七秩

南山采紫芝北山采白薇相將挽鹿車憶昔寄寒衣寒

衣何須寄輕裘捧觴至珂里生光輝高堂等閒視惟望
佳兒能與夏壽國壽親無二致

比目魚

比目魚比目魚吞餌上釣入市墟弱者之肉强者如嗟
尔母乃是情痴一朝失侶作犧牲羈人對之為墮淚寡
婦對之空怨悲莫怨悲並蒂花開有落時護花不惜作
春泥願尔入人腹又結相思兒

榕城雜咏

一別榕城已十秌重溫舊夢快新游三山依舊饒嫵媚
應笑故人今白頭

江干何處看潮生填海移山指日成龍影卧波驚斷尾
中流歌艇尚嬌聲

寸袖尺裳炫玉肌倩妝花樣鬥新奇諸娘省識國家恨
愛著輕輕人造絲

一壺龍舌沁心脾
百合蒲湯沃凝脂
鎮日華池畔坐漁
陽
聲鼓不曾知

到处走私到处銷
虎張過市自招搖
傷心最是台南道
白日無光紅日驕

參加東湖訓練適蘆溝橋戰事起

未能投筆却從戎
見說蘆溝已舉烽
似我衰殘亦自奮

不因臂折老新豐

昔年瘵馬折臂
至今未全復原